

**PEMBERITAHUAN PERTANYAAN BAGI JAWAB LISAN**  
**DEWAN RAKYAT MALAYSIA**

**PERTANYAAN** : **JAWAB LISAN**

**DARIPADA** : **DATUK SERI PANGLIMA HAJI ABDUL  
GHAPUR BIN HAJI SALLEH  
[ KALABAKAN ]**

**TARIKH** : **31 OKTOBER 2016**

**SOALAN** : **Datuk Seri Panglima Haji Abdul  
Ghapur bin Haji Salleh [ Kalabakan ]  
minta **MENTERI LUAR NEGERI**  
menyatakan :-**

(a) apakah langkah-langkah khusus yang telah diambil Kementerian dalam menangani tuntutan Filipina terhadap negeri Sabah; dan

(b) apakah status terkini usaha ini.

## **JAWAPAN**

Tuan Yang di-Pertua,

Saya mengucapkan terima kasih kepada Yang Berhormat Kalabakan di atas pertanyaan mengenai tuntutan Kerajaan Filipina ke atas Sabah.

Tuan Yang di-Pertua,

2. Seperti Dewan yang mulia ini sedia maklum, Kerajaan Malaysia telah berulang kali menegaskan pendiriannya bahawa Malaysia tidak mengiktiraf dan tidak akan melayan sebarang tuntutan oleh mana-mana pihak ke atas Sabah. Sabah telah diiktiraf oleh Pertubuhan Bangsa-Bangsa Bersatu (PBB) dan masyarakat antarabangsa sebagai sebahagian dari Malaysia sejak 16 September 1963.

3. YB Menteri Luar Negeri, telah beberapa kali mengeluarkan kenyataan bagi menegaskan pendirian Malaysia yang tidak mengiktiraf tuntutan Filipina ke atas Sabah.

4. Perkara yang sama telah ditegaskan oleh YB Menteri Luar Negeri semasa kunjungan hormat TYT Perfecto Yasay, Setiausaha Hal Ehwal Luar Filipina ke atas Yang Berhormat Dato' Sri Anifah Hj Aman pada 13 Ogos 2016.

Sekian, terima kasih.